

Attaveqarnermut, Avatangiisinut Aatsitassanullu Naalakkersuisoq
Medlem af Naalakkersuisut for Boliger, Infrastruktur og Trafik

Inatsisartuni ilaasortaq Aleqa Hammond, Siumut
-/Maani

Nukissiorfinnut saaffiginnittarnerit pillugit § 36 naapertorlugu apeqquut

Asasara Aleqa,

23.10.2009

Inatsisartut suleriaasianni § 36, imm. 1 naapertorlugu apeqquuteqaatit Naalakkersuisut tiguaat.

Postboks 909
3900 Nuuk
Oq/tel +299 34 54 00
Fax +299 34 54 10
aan@gh.gl
www.nanoq.gl/aan

Apeqquut:

" Siumup inatsisartuutitai sapaatit akunneri tamaasa suliffeqarfinnut paasisassarsiorsinnaasarlutillu immikkut ilisimasalinnik oqalugiartussanik aggersaasarput, tamarmik suliatinnut inatsisiliornitsinnullu attuumassuteqartut ilisimaarilluarfiginisaat siunertaralugu. Sapaatip akunnerata siuliani Nukissiorfiit sammineqartussanngormata suliffeqarfimmuut pulaarsimavugut nukissiuteqarnermut tunngasunik apeqquutissaqarluta. Maanna apeqquutissaqaqqikkatta ataatsimeeqatiginnikkumalluta, saaffigineqqinnitsinni ilisimatinneqarpugut Nukissiorfimmik ataatsimeeqatiserininnerit tamarluinnarmik siunissami naalakkersuisoq Jens B. Frederiksenimut saaffiginnissutigineqaqqaartariaqartut, taamaammallu nukissiorfiit suliffeqarfiummat tamanut kiffartuussisoq pisussaaffeqartorlu saaffigineqarnermini sullissinissaminut, apeqquutigiumavara saaffiginnissutissat tamarmik maana sooq naalakkersuisoq Jens B. Frederiksenimut tamarmik saaffiginnissutigineqaqqaartariaqalersimanerisut?

Akissut:

Aallarniutigalugu apeqquutit pillugu qutsaviginiarpakkit, suliat qanoq ingerlasarnerat pillugu erseqqissaanissamat periarfissimmanga.

Nukissiorfiit suliffeqarfiuvoq imminut ingerlattoq, taamaattumillu sullissiviit allat assigalugit Namminersorlutik Oqartussanut atasuulluni tassuma ataani sullissiviuluni. Nukissiorfiit toqqaannartumik Ineqarnermut, Attaveqarnermut Angallannermullu Naalakkersuisoqarfiup ataanniimmat, assersuutigalugu Attaveqarnermut Aqutsisoqarfittuulli, Nukissiorfinni atorfeqartut Namminersorlutik Oqartussani atorfeqartunut allanut sanilliunneqartussaapput.

Naalakkersuisup oqartussaaffimmi akisussaasuusup oqartussaaffimmini nakkutillinnissamat aqutsinissamullu periarfissaqarnissaa qulakkeerniarlugu paasissutissat, aalajangigassanut assigiinngitsunut ilaasussat ingerlaavartumik ataqatigiissaarne-

qartarput. Taamaattumik uppersaatissat, nalunaarusiat, akissuteqaatit allak-
kiat allallu oqartussaaffimmiit nassiunneqannginnermini pitsaassutsimikkut qulak-
keerneqartarnissaat pingaaruteqarpoq. Suliffeqarfiup iluani suleriaaseq taanna
ilaatigut Inatsisartut pitsaanerpaamik sullinneqarnissaat qulakkeerniarlugu aqqis-
suunneqartarpoq, tassalu paasissutissat sapinngisamik pitsaanerpaatinniarnear-
tarput. Taamaalluni inatsisartut aalajangiinissamut pitsaanerpaanik tunngaveqar-
nissaat qulakkeerneqartarpoq.

Taamaattumik erseqqissaatigissavara, Inatsisartunut ilaasortatut uanga oqartus-
saaffinni paasissutissanik qanorluunniit ittunik kissaateqaruit sukkulluunniit saaffi-
ginnissinnaagavit. Aamma Nukissiorfinnut saaffiginninnerit allaffeqarfinni immik-
koortunut allanut saaffiginninnertut ingerlanneqartarput.

Inussiarnersumik inuulluaqqusillunga

Jens B. Frederiksen